



(ciep banj 1)

Aen cawjdaez baez daihhoih neix dwg: Yaengxsang fan geiz hungmbwk yiengh sevei cujyi miz gij daegsaek Cungguk, cienzmienh gvancez Aen Swhsiengj Sevei Cujyi Miz Gij Daegsaek Cungguk Seizdaih Moq, haenq-rengz fatyengz gij cingsaenz laeb Dangj hungmbwk, gagsaenq gag'ak, souj goek cau-moq, haenqheiq buekguh, daihdamj baenaj, vih cienzmienh hwnqguh aen guekgua sevei cujyi yendaiva, cienzmienh doicaenh Cunghvaz Minzcuz fukhwng hungmbwk bae doxgiet buekguh.

Dauqyawj gij gunghcoz haj bi gvaqbae neix seiz, Siz Ginbingz gangj, Cibgouj Daih doxdaeuj haj bi neix, dwg haj bi gig mbouj bingzciengz, gig mbouj yungzheih. Dangjcunghyangh dungj-couz aen canloz daengxbuenz Cunghvaz Minzcuz fukhwng hungmbwk caeuq aen geizseiq boekbienq seiqgyaiq bak bi caengz miz gvaq, doiq gij saehnieb Dangj caeuq guekgua yaek baenzlawz fatmaj guh le canloz baijbouh youqgaenj, doxgiet daiqlingx daengx Dangj daengx ginh daengx guk gak cuz yinzminz wngqdoiq ndei gij hingzseiq rog guk yiemzhaenq fucab caeuq gij fungyiemj diuhcan hungloet gienh riengz gienh haenx, yungh yiengh cingsaenz haenqrengz guh ok cingzcik, dawz yiengh sevei cujyi miz gij daegsaek Cungguk seizdaih moq mboujduenh nyoengx baenaj.

De youq ndaw baugau gangj, haj bi daeuj, raeuz dawzmaenh Dangj lingjdauj fuengfueng mienhmienh caeuq Dangjcunghyangh guh gyonjcomz lingjdauj, caenhrengz doihaeuj yamqdin cienzmienh hwnqbaenz aen biengz siujgangh, caezcingj, cinjdeng, gizgiz hengzguh aen leixniemh hwnqfat moq, roengzrengz coibaenz hwnqfat ndei youh swnh, gagrox cauhaeb aen gapgyaq hwnqfat moq, byaij vaij yamq onj bae doicaenh gajgwz, netsaed coihawj yinzminz minzcuz ronzoeng goekbyai, cienzmienh doicaenh ciuqfap guenj guk, lailai fazcanj gij vwnzva maenhndei sevei cujyi, lai yunghrengz baujndei caeuq gajjndei gwndaenj yinzminz, comz rengz dwkhoenx ciengz ciengq haenqrengz duetgungz, lai roengzrengz bae guhndei swnghdai vwnzmingz, giengiet henho h guekgua ancienz, fuengzre vaqgej gij fungyiemj hungnaek, seizseiz hawj ndawbiengz onjdingh, roengz rengz hung coihawj gozfangz caeuq ginhdui guhbaenz yendaiva, dohdaengz bae guh yiengh vaigyaeh guekhung miz gij daegsaek Cungguk, cienzmienh doinyoengx gij gunghcwngz hungmbwk moq guhhung guh'ak aen Dangj. Raeuz banh hung banh hoengh gij hozdung angqhoh Cunghgoz Gungcanjdangj laebbaenz it bak hopbi, Cunghvaz Yinzminz Gunghozgoz laebbaenz caetcih hopbi, ceiqlingh aen lizsij gezyi daihsam, youq daengx Dangj haiguh gij hong hag son dangsij. Mwh bungzdaengz ciengz binghra q bwtbingh sinhvanh fwtfat, raeuz dawzdingh yinzminz cei q hung, sengmingh cei q dij, dawzdingh riengzseiz siu caez mbouj cuengqsoeng, hai hoenx ciengz ciengq daengxcungq yinzminz caez bae laengzhoenx dingjhoenx binghra q, cei q daih hanhdoh bae baujhoh gij sengmingh caeuq aenndang yinzminz mbouj deng binghra q haih, doengbuenz suenqveh fuengzhaed binghra q caeuq hwnqfat ginghci ndawbiengz aeundaiej cwngzgoj hungnaek. Bungzdaengz Yanghgangj

ok saeh luenhnauh, raeuz ciuq Yenfaz caeuq Gihbwnjfaz mizyauq hengzguh aen gienz dohcaez bae gaemguenj dwzbez hingzcwnghgih, dingh ok Aen Fap Yanghgangj Dwzbez Hingzcwnghgih Henhoh Guekgua Ancienz, hengz ndei aen yenzcwz "bouxgyaezguek guenj Yanghgangj", geizseiq Yanghgangj ndaej guhbaenz yiengh cienjbienq hungnaek daj luenhnauh daengz andingh. Raeuz roengzsim bae guh gij doucwng h youqgaenj fanj faenmbek, fanj capfwngz daengzdae j, langhbaij le yiengh simhoz caeuq bonjsaeh raeuz baenzlawz cungj ae u henho h cawjgienz guekgua caeuq diegguek caezcingj, fanjdoi q "Daizduz". Bungzdaengz seiqgyai q geizseiq bienqva q haenqrem, seizseiz miz rengzdingh canloz, cie pndei gij cingsaenz doucwng h, baijok gij mbeidamj mbouj lau guk ak haephangz, youq mwh doucwng h henho h gij viyiemz caeuq gij leih'ik goekgaen guekgua, gaemndaet gaemmaenh le gij gienz gag bae fatmaj caeuq henho h ancienz guk raeuz. Haj bi daeuj, Dangj raeuz doxgiet daiqlingx yinzminz, gungroengz le haujlai aen nanzdae z ciengzgeiz caengz ndaej gajgez haenx, banh baenz le haujlai gienh saeh hung saeh youqgaenj ngaih daengz coglaeng haenx, hawj aen saehnieb Dangj caeuq guekgua aeundaiej gij cwngzciu hungnaek daengx seiqgyai q cimyawj.

Siz Ginbingz gangj, daj hai Cibbet Daih daengz seizneix gaenq ndaej cib bi lo. Cib bi daeuj, raeuz guh le sam gienh saeh hung, gij saeh hung neix doi q saehnieb Dangj caeuq yinzminz miz yienhsaed yi yi hungnaek caeuq lizsij yi yi gyaeraez: It dwg cie p daeuj Cunghgoz Gungcanjdangj laebbaenz it bak hopbi, ngeih dwg yiengh sevei cujyi miz gij daegsaek Cungguk ha euj daengz seizdaih moq, sam dwg guhbaenz faenhong haenq-rengz duetgungz, cienzmienh hwnqbaenz aen biengz siujgangh lizsij gyauhawj haenx, guhbaenz gij moegbiu buekguh aen bak bi daih'it. Neix dwg gij ndaejhingz hab geiq ha euj lizsij youz Cunghgoz Gungcanjdangj caeuq yinzminz Cungguk doxgiet buekguh cix aeundaiej, dwg gij ndaejhingz hab geiq ha euj lizsij ndaej ciuqrongh ceksa w lizsij Cunghvaz Minzcuz fathoengh, hix dwg gij ndaejhingz hab geiq ha euj lizsij doi q seiqgyai q miz yingjiyangj gyaeraez.

Cib bi gonq, gij hingzseiq dangqnaj raeuz dwg, gajgwz hailangh caeuq hwnqguh sevei cujyi yendaiva guh ndaej cingzcik hungloet, hangh gunghcwngz hungmbwk moq guhhung guh'ak aen Dangj ndaej cingzyauq yienhda, vih raeuz laebdaeb baenaj demh roengz le giekdae j maenh, cau h ok le diuzgen haemq ndei, hawj le baujca ng youqgaenj, doengzseiz youh miz baenzroix mauzdun caeuq vwndiz haenqrem ngamq mizok nem ciengzgeiz cwkrom haenx gaenjgip caj bae gajgez. Mwhhaenx, ndaw Dangj caeuq gwnz biengz miz mbouj noix vunz doi q diuz roennaj Dangj caeuq guekgua yousim dangqmaz. Yawjraen doengh gij mauzdun caeuq vwndiz haenqrem yingjiyangj Dangj ciengzgeiz gaemgienz, guekgua ciengzgeiz andingh, yinzminz vuenyungz an' onj neix, Dangjcunghyangh yawjcinj seizseiq, daihdamj genjdingh, laebsim gouz baenaj, gungroengz gizhoj, doxgiet daiqlingx daengx Dangj daengx ginh daengx guk gak cuz yinzminz vid gen vid ga haenqrengz guh, rumzrumz fwnfwn mbouj

gwxdingz, mbouj goq dailix bae guh gij doucwng h hungmbwk miz haujlai yienghmoq caeuq doenghbaez mboujdoengz haenx.

Siz Ginbingz youq ndaw baugau vixok, cib bi daeuj, raeuz yungh baenzroix guhfap ndaej coengh daengxbuenz, doicaenh baenzroix saedguh ndaej bengwz, guhbaenz baenzroix hongsaeh ndaej miz cungbyoengq, aeundaiej baenzroix cwngzgoj ndaej dang geiqhauh, dingj ndaej hwnj gij gaujniemh yiengh fungyiemj diuhcan daj cwngci, ginghci, yisiz hingzdai, swyenzgai daengj fuengmienh miz daeuj haenx, gij saehnieb Dangj caeuq guekgua aeundaiej yiengh cwngzciu hab geiq ha euj lizsij, miz ok gij bengwz hab geiq ha euj lizsij, doidoengh guk raeuz yamqhwnj diuz roen moq cienzmienh hwnqguh aen guekgua sevei cujyi yendaiva.

—Cauhaeb le Aen Swhsiengj Sevei Cujyi Miz Gij Daegsaek Cungguk Seizdaih Moq, mingzbe g doekdingh aen fanghloz giekbonj dawzmaenh caeuq hwnqfat yiengh sevei cujyi miz gij daegsaek Cungguk, daezok baenzroix leixniemh moq swhsiengj moq canloz moq guenj guk ceih biengz, guhbaenz yiengh bonghyat moq hawj Majgwzsw h Cujyi habngamj Cungguk, gaenhwnj seizdaih.

—Daj fuengfueng mienhmienh bae gyaak Dangj raeuz lingjdauj, saedbauj gij gienzvi caeuq yiengh gyonjcomz lingjdauj Dangjcunghyangh, saedbauj Dangj dangguh aen cehsim lingjdauj ndaej doengjlamx daengxbuenz, hezdiuz gak fueng, raeuz aen Majgwzsw h Cujyi cwngdangj miz gouj cien roek bak lai fanh boux dangjiyenz neix engqgya doxgiet caezsim.

—Gohyo z caezcingj dwk daj daengx-buenz bae baijbouh gij saehnieb Dangj caeuq guekgua seizdaih moq baenzlawz hwnqfat, daezok guhbaenz aen loqsiengj Cungguk Cunghvaz Minzcuz fukhwng hungmbwk, doengjlamx gij doucwng h hungmbwk, gij gunghcwngz hungmbwk, gij saehnieb hungmbwk, gij loqsiengj hungmbwk, mingzbe g doekdingh aen cungjdae j baijbouh "haj yiengh gap baenz aen" caeuq aen canloz baijbouh "seiq aen cienzmienh", doekdingh aen diuhgoek guhhong youq ndaw onjdingh gouz baenaj, doengbuenz maeuzveh fazcanj caeuq ancienz, mingzbe g doekdingh gij cujyau mauzdun ndawbiengz guk raeuz dwg gij aeuyungh yinzminz gvaq saedceij gyaunde i ngoenz beij ngoenz demlai hoeng fazcanj mbouj bingzyaenx mbouj cukgaeuq, caemhcai q gaenjgaenj hopheux aen cujyau mauzdun ndawbiengz neix doicaenh gak hangh hong, mboujduenh gyalai caeuq hwnqfat gij hingzdai moq vunzloih vwnzmingz.

—Ginggva q lienzdaemh buekguh, guhdaengz le siujgangh aen loqsiengj cien bi Cunghvaz Minzcuz neix, hoenx hingz le ciengz ciengq haenqrengz duetgungz gwnz lizsij vunzloih gveihmoz cei q hung haenx, daengx guk bet bak samcib ngeih aen yienh gungz cienzbouh duetmauh, gaenh baenz ik vunzgunz lajmbanj ndaej duetgungz, gouj bak roekcib lai fanh vunzgunz ndaej senj bae dieg ndei youq, youq gwnz lizsij baez daih'it mbouj miz le hojnga euz, vih gij saehnieb gemjungz daengx seiqgyai q ok le goengrengz hungloet.

(cienj banj 3)